



AUTORIDADE ADUANEIRU

Komisariu nia Instrusaun Administrativu



Padraun Prosedimentu Operasional (PPO) ba:

“Prosesu Liberasaun Esportasaun Simplifikadu ba Portu Baía Tibar, 2022”

(PPO ida ne’e substitui PPO #20 aprova iha 7 Juñu 2021)

Numeru PPO 119 husi 5 / 12 / 2022

Konteudu Tabela

1.	Titulu padraun Prosedimentu Operasional	4
2.	Ámbitu	4
3.	Autorizasaun.....	4
4.	Objetivu	4
5.	Kumpri tuir Padraun Nasional no Internasional	5
6.	Lejislasaun Aplikavel.....	5
7.	Validade no Alterasaun	7
8.	Nain ba Prosedimentu.....	8
9.	Implementasaun ba Prosedimentu ida ne'e	8
10.	Adere ba Prosedimentu ida ne'e.....	9
11.	Minimu Dokumentu Apoiu no/ka rekezitu sira seluk.....	9
12.	Prosesu Narrativu	11
	FAZE 1: BROKER SUBMETE DAU NO DOKUMENTU APOIU, REJISTU NO AUTO-AVALIASAUN	11
	FAZE 2A: KANÁL VERDE	11
	FAZE 2B: KANÁL KINUR – EZAMINASAUN DOKUMENTARIU IHA CREP	12
	FAZE 2C: KANÁL LARANJA – SCAN X-RAY.....	14
	FAZE 2D: KANÁL MEAN - EZAMINASAUN FÍZIKU	16
	FAZE 3: PAGAMENTU TAXA NO IMPOSTU	18
	FAZE 4: VALIDASAUN LIBERASAUN ESPORTASAUN	18
13.	PROSESU FLUXUGRAMA.....	21
14.	Komisariu nia Aprovasaun, Diretivu no Dezaminasaun	24
15.	Rejistu Alterasaun ppo	25

PARTE A: INTRODUSAUN BA PPO

1. Titulu Padraun Prosedimentu Operasional (PPO)
2. Ámbitu
3. Autorizasaun
4. Objetivu
5. Kumpri tuir Padraun Internasional
6. Lejislasaun Aplikavel
7. Validade no Alterasaun
8. Nain ba Prosedimentu
9. Implementasaun ba Prosedimentu ida ne'e
10. Adere ba Prosedimentu ida ne'e
11. Minimu Dokumentu no/ka Rekezitu sira seluk

1. TITULU PADRAUN PROSEDIMENTU OPERASIONAL

Padraun Prosedimentu Operasional (PPO) ida ne'e ofisialmente sei koñese nu'udar:

"Prosesu Liberasaun Esportasaun Simplifikadu iha Portu Baía Tibar, 2022".

2. ÁMBITU

PPO ida ne'e sei limita ba aspeitu prosedural sira husi prosesu Liberasaun esportasaun simplifikadu ne'ebe mak aplikavel ba sasan sira ne'ebe sai husi Portu Baía Tibar.

3. AUTORIZASAUN

PPO ida ne'e sei autoriza husi Komisariu Autoridade Aduaneiru tuir provizaun sira hanesan tuir mai ne'e:

- a) Lei Organiku Alfândega, 2/2020 data 8 de Janeiru 2020, kapitulu III Estrutura Organiku, Seksau 1 Orgaun, Artigu 9 (1c) "Komisariu Autoridade Aduaneiru", ne'ebe mak permiti Komisariu atu: *"aprova regra administrativu no/ka instrusaun nesesariu sira ba operasaun Autoridade Aduaneiru, inklui aplikasaun lejislasaun Alfândega"*.

4. OBJETIVU

Objetivu husi PPO ida ne'e mak atu fornese instrusaun klaru kona ba:

- Submisaun eletroniku iha sistema AW ba DAU EX1 Esportasaun Definitivu;
 - Klarifikasi saun katak, bazea Kódigu Alfândega DL 14/2017, submisaun ba DAU Esportasaun EX1 liu husi sistema AW la presija autorizasaun anterior husi Alfândega ka autoridade sira seluk;
 - Validasaun bandeira Liberasaun Esportasaun husi Diresaun Nasional Operasaun (DNO) Ekipa Kontrolu Kargo iha Portu Baía Tibar; no
- a) Oinsa mak funzionariu sira hala'o kada tarefa iha prosesu Liberasaun esportasaun, hahu husi tempu Deklarasaun Sasan aseita ona husi Alfândega liu husi fo sai numeru rejistrasaun uniku, to'o sasan ka unidade kargo tama iha area kontrolu Alfândega, hafoin kompleta tiha pagamentu relevante sira hanesan taxa, impostu no/ka kustu sira seluk;
 - b) Oinsa mak etapa prosedimentu maioridade tenki halo liu husi sistema Alfândega (ASYCUDA World), atu bele evita rejistru manual esterna ruma;
 - c) Oinsa deklarante nia reprezentativu sei halo interativu ho Alfândega durante prosesu Liberasaun esportasaun nian, inklui nia obrigasaun sira atu fornese informasaun adisional, karik nesesariu;

- d) Oinsa mak pagamentu ba taxa, impostu, penalidade kustu sira sei selu uza metudu ne'ebe mak agora disponivel hela ho osan ka transferensia interna iha fatin designadu hanesan BNU ka BNCTL; no
- e) Oinsa mak sasan sira sei hasai ba embarkasaun husi ekipa Esportasaun iha Portu Baía Tibar;

5. KUMPRI TUIR PADRAUN NASIONAL NO INTERNASIONAL

Integrasaun Eletroniku ba funsaun Liberasaun esportasaun sei ajuda Alfândega no GoTL atu kumpri tuir:

- a) *Dekretu Lei 2/2020 (Estrutura Organiku AA) Artigu 4, 1 (d) ne'ebe mak:*

Inklui prinsipi sira organizasaun nian flexibilidade organisional;

- b) *WCO Konvensaun Kyoto Revizadu (KKR):*

Anexu Jeral, Kapitulu 3, “Liberasaun no Formalidade Sira seluk Alfândega nian”, ne'ebe mak aplikavel ba Esportasaun, Anexu Espesifiku C, “Esportasaun Kompletamente”.

- c) *WTO Akordu Fasilitasaun Komersiu (Bali, 2013) liu liu relasiona ba:*

Artigu 7, “Hasai no Libera Sasan sira”;

- i.) Pagamentu eletroniku (implementa ona);
- ii.) Jestaun risku (*foin implementa tuir padraun sira*);
- iii.) Pós Auditoria Liberasaun (parsialmente implementa, nu'udar auditoria meza);
- iv.) Estabelesementu no publikasaun ba Tempu Liberasaun (*seidauk implementa*);

Artigu 8. Kooperasaun Ajensia Fronteira

- i.) Atu asegura katak Alfândega no ajensia sira seluk ne'ebe mak responsavel ba kontrolu fronteira nian no prosedimentu sira ba importasaun no esportasaun bele koopera ba malu no ***koordena sira nia atividade atu fasilita komersiu***.

6. LEJISLASAUN APLIKAVEL

Lejislasaun tuir mai ne'e aplika ba prosidementu ida ne'e.

A. Estrutura Organiku Autoridade Aduaneiru, DL 2/2020, 8 Janeiru

Artigu 9, 1c: Komisariu nia Poder atu “aprova no administra regra no/ka instrusaun sira”

B. Kódigu Alfândega Dekretu Lei 14/2017 – 5 Abril 2017

Provizaun prinsipal ba Esportasaun Definitivu ne'ebe mak kontein ona iha:

- a) Artigu 234, paragrafu 1 to 8 (Ámbitu no Definisaun)

1. Prosedimentu Alfândega ba esportasaun definitivu tenki konsisti ba definitivu liberasaun sasan liu husi meius saida deit husi teritoriu Alfândega liu husi deklarasaun Alfândega
2. Paragrafu anterior sei la aplika ba sasan sira ne'ebe mak atu sai husi Timor-Leste tuir prosedimentu ida Alfândega ba:
 - a) Tranzitu Merkadoria;
 - b) Tranzitu interna, wainhira sasan estranjeiru sira tama liu husi teritoriu Alfândega;
 - c) Tranzitu interna, wainhira sasan domestiku sira temporariamente husik hela teritoriu Alfândega;
 - d) Prosesamentu saída;
 - e) Esportasaun temporariu.
3. Provizaun ba Kódigu ida ne'e governa deklarasaun sira Alfândega nian no deklarante sira ba importasaun sei aplika ba esportasaun final.
4. Deklarasaun Alfândega ba esportasaun definitivu sei entrega husi funzionariu Alfândega sira iha fatin sai nian.
5. Sasan sira deklara ba esportasaun sei sujeitu ba supervizaun permanente husi Autoridade Aduaneiru hahu husi momentu deklarasaun aseita ona to'o meius de transporte ne'ebe mak atualmente sai.
6. Sasan sira sei sujeitu ba pagamentu impostu esportasaun Alfândega nian wainhira sasan hirak ne'e legalmente iha nia nain.
7. Karik esportasaun ba sasan deklara ona ba esportasaun kanseladu, mak esportador tenki notifika ho eskrita mai Alfândega.
8. Esportador ne'ebe mak falla atu notifika Alfândega ba kanselamento esportasaun nian iha termus paragrafu antes nian sei sujeitu ba penalidade administrativu ida.

Provizaun Importasaun Espesifiku sira seluk ne'ebe mak aplikavel ba Esportasaun Definitivu mak hanesan tuir mai:

- a) Artigu 155, paragrafu 1 to 3.- Spesifika katak:
 - Deklarasaun Eletroniku Alfândega nian signifika transmisaun eletroniku ba Alfândega ba detallu no dadus sira hotu presija aplika rejime Alfândega ida; no
 - Kódigu Identifikasiun asinadu ba deklarante ba identifikasiun taxa nian ninia objetivu mak atu konsidera nu'udar asinatura eletroniku ida.
- b) Artigu 156, paragrafu 1 to 5. - Fo detallu ba dokumentu sira ne'ebe mak nesesaria atu anexu ba deklarasaun Alfândega, hanesan
 - Fatura komersial ho deskrisaun jeral ba sasan sira;
 - Sertifikadu Saúde, fitosanitaria no/ ka sertifikadu sira seluk (karik aplikavel)

Nota 1. – Atensaun katak Artigu 81 husi Kódigu Alfândega indika liu tan katak:

“Ba objetivu lei Alfândega nian, karik ema ida submete ka fornese dokumentu ka pagamentu ida iha forma eletroniku ho meius Sistema Informasaun Alfândega bazea ba kondisaun sira ne’ebi estabelese, dokumentu ka pagamentu refere konsidera, sei submete ka fornese bazea ba lei iha data no fatin ne’ebi apropiadiu”

- c) Artigu 158, paragrafu 1 no 2.- Deklarasaun Alfândega obrigatoriu ba deklarante ka ninia reprezentativu sira iha termus:
 - Rigorozu,
 - Autentiku ba dokumentu sira ne’ebi anexu, no
 - Kumpri tuir obrigasaun sira ne’ebi asosiadu ho tau sasan sira iha rejime ne’ebi deklara ona;
- d) Artigu 158, paragrafu 3.- Deklarasaun Alfândega halo ho meius eletroniku konsidera simu fatura ho mensajen husi Alfândega, ne’ebi mak ho meius ne’ebi hanesan, rekoñese fatura refere;
- e) Artigu 159, paragrafu 1 to 4.- Aseitasaun ba deklarasaun Alfândega karik formatu no dokumentu apoiu sira hotu ne’ebi mak presija prienxe kriteria, tempu no data aseitasaun no halo numeru rejistru úniku ida, no ida ne’ebi hanesan efeitu legal ba aseitasaun refere;
- f) Artigu 160, paragrafu 1 to 3.- Alterasaun no substituisaun deklarasaun Alfândega molok komesa prosesu Liberasaun;
- g) Artigu 161, paragrafu 1 to 3.- Kanselamentu ba deklarasaun Alfândega ida husi pedidu deklarante nian;
- h) Artigu 162.- Verifikasaun no halo revista ba deklarasaun Alfândega;
- i) Artigu 164, paragrafu 1 to 9.- Ezaminasaun ba sasan sira, inklui foti amostra no teste, no
- j) Artigu 165, paragrafu 1 to 4.- Tempu no fatin ezaminasaun Alfândega nian no koordenasaun ho ajensia Governu nian seluk (AGS) ne’ebi mak presija atu hala’o kontrolo partikular balun ba sasan refere;
- k) Artigu 385, paragrafu 2.- Ba kalkulasaun limitasaun tempu iha Kódigu ida ne’ebi, loran saida deit ne’ebi mensiona signifika katak “loron servisu nian”.

7. VALIDADE NO ALTERASAUN

PPO ida ne’ebi sei efeitu iha data ne’ebi Komisariu asina iha **Seksaun 14** husi PPO ida ne’ebi. Alterasaun ruma ba PPO ida ne’ebi tenki aprova husi Komisariu no PPO sei atualiza ho lolos no sirkula ba funzionari relevante sira.

8. NAIN BA PROSEDIMENTU

Nain ba prosedimentu ida ne'e mak Diretur Nasional ba Jestaun Konformidade (DNJK), ho kooperasaun besik ho Diretur Nasional Operasaun (DNO) no Diretur Operasaun Munisipal (DOM), ne'ebe mak sei responsavel ba:

- a) Implementa no estandariza aplikasaun ba provizaun sira hotu iha PPO ida ne'e, iha area Alfândega sira hotu iha nia kontrolo;
- b) Asegura katak Diretur Nasional Operasaun informa Diretur Operasaun Munisipal Portu Baía Tibar no funsionariu examinador sira atu kumpri totalmente ba PPO ida ne'e;
- c) Asegura katak funsionariu sira iha area operasional iha ninia kontrolu no Operasaun Portu Baía Tibar iha asesu kopia eskrita ka eletroniku husi PPO ida ne'e;
- d) Asegura katak funsionariu sira iha area operasional iha ninia kontrolu – CREP, Tributasaun no Armajenamentu Alfândega – no funsionariu sira husi ekipa Esportasaun iha Portu Baía Tibar simu ona formasaun apropiadu kona ba oinsa atu aplika PPO ida ne'e;
- e) Hetan no apresenta relatoriu mensal sira ba Komisariu kona ba:
 - Numeru Esportasaun EX1 DAU ne'ebe hasai;
 - Numeru Esportasaun EX1 DAU diriji ba,
 - Kanál Verde,
 - Kanál Laranja (X-Ray),
 - Kanál Kinur,
 - Numeru selesaun ba kanál Mean no Kinur resulta penalidade;
 - Total Tempu Liberasaun: hahu husi rejistrasaun DAU to'o Hasai DAU Esportasaun.Relatoriu mensal tenki submete ba Komisariu loron 5 dahuluk kada fulan, ba fulan anterior.
- f) Foti medida koretivu iha eventu karik PPO ida ne'e la kumpri ho lolos; no
- g) Propoin ba Komisariu, karik iha mudansa ka alterasaun ruma ba PPO ida ne'e wainhira sirkumtansia operasional eziji.

9. IMPLEMENTASAUN BA PROSEDIMENTU IDA NE'E

Prosedimentu ida ne'e sei aplika no implementa husi membru funsionariu Alfândega sira hotu, inklui maibe la limita ba:

- a) Funsionariu sira hotu ne'ebe servisu iha Customs Revenue Entry Processing (CREP); no

- b) Funzionariu sira hotu husi Diresaun Nasional Operasaun ne'ebe mak servisu iha Portu Baía Tibar.

10. ADERE BA PROSEDIMENTU IDA NE'E

Prosedimentu ida ne'e tenki kumpri lolos ba parte sira hotu, no ba tempu sira hotu. Failla atu kumpri tuir provizaun sira ne'ebe mak kontein iha PPO ida ne'e bele inklui, maibe sei la limita ba:

- a) Funzionariu Alfândega: Asaun disiplinariu, husi suspensaun sein salariu to'o hasai husi servisu, ka asaun punitivu apropiadu sira seluk ne'ebe mak sei foti hasoru ita";
- b) Broker Alfândega: Husi blokeiu temporariu ba ita nia asesu iha sistema ASYCUDA World, to'o ba hasai ita nia lisensa atu halo operasaun nu'udar broker Alfândega ida husi Autoridade Aduaneiru;
- c) Importador/Komersiante: Aplikasaun penalidade administrativu no/ka komesa prosesa ba prosesu kriminal hasoru ita.

11. MINIMU DOKUMENTU APOIU NO/KA REKEZITU SIRA SELUK

Kualker dokumentu apoiu ne'ebe presija, tenki submete eletronikamente iha sistema AW husi parte broker/deklarante. Laiha DAU hard copy ka dokumentu apoiu sira seluk ne'ebe presija atu submete.

Dokumentu sira tuir mai ne'e, eletronikamente submete iha sistema, tenki apresenta iha kazu sira hotu:

- a) Deklarasaun Alfândega (DAU) ba rejime Esportasaun Definitivu (EX1)
- b) Fatura Komersial (pro-forma fatura sei la aseita).

Iha kazu balun, dokumentu adisional bele presija atu kompleta rekerimentu regulatoriu espesifiku. Ida ne'e bele inklui, maibe sei la limita ba kopia eletroniku ida husi:

- a) Autorizasaun no/ka lisensa ida husi Ajensia ka Ministeriu Governu relevante;

Kontentor tenki segel metin molok aplika nia transferensia ba Portu Baía Tibar ba konkluzaun prosesu esportasaun. Alfândega sei halo revista ba segel sira wainhira kontentor to'o ona iha Portu, no halo rejistru ba numeru segel iha tela Liberasaun Esportasaun nian. Sei kontentor refere laiha segel sira, ekipa Esportasaun sei tau segel no halo rejistru ba numeru segel iha screen/tela Liberasaun Esportasaun.

PARTE B: DETALLU PROSEDIMENTU

12. Narrativu Padraun Prosedimentu Operasional (PPO)
13. Prosesu Fluxugrama Funsional Kruzadu
14. Komisariu nia Aprovasaun, Diretivu no Dezaminasaun
15. Rejistru Alterasaun PPO

12. PROSESU NARRATIVU

PPO ida ne'e fahe ba faze prinsipal diferente ha'at (4), ne'ebe mak deskreve liu tan iha okos.

AA kompromete atu aplika baze metodolojia jestaun risku ba atividade sira operasional nian. Karik iha diferensia ruma identifikadu wainhira hala'o Faze 3 (detallu iha okos), ka iha tempu durante aplikasaun ba prosedimentu ida ne'e, entaun funzionariu ne'ebe toma konta kona ba kazu refere tenki halo relatoriu kona ba saida mak sira hetan ba departamento Jestaun Risku. Karik apropiadu atu halo, ida ne'e presija inklui iha esbosu husi funzionariu refere

FAZE 1: BROKER SUBMETE DAU NO DOKUMENTU APOIU, REJISTU NO AUTO-AVALIASAUN

Broker/deklarante sei responsavel atu halo no submete deklarasaun Alfândega (DAU) no dokumentu apoiu sira iha AW, no hodi halo nune'e nia presija atu halo tuir etapa sira iha okos atu bele hetan pontu legal ba "Rejistrasaun":

1. Submete DAU ho informasaun relevante ne'ebe los iha sistema ASYCUDA World (AW), hafoin Scan no submete kopia dokumentasaun apoiu sira hotu ne'ebe los no lejivel;
2. Hanehan funsaun "Verifika" iha AW atu detekta input ruma, ninia konsistensia ka erru validasaun, kuriji karik nesesariu no hanehan "Verifika" dala ida tan atu asegura katak alterasaun sira bele rai;
3. Hanehan opsaun "Avaliasaun" iha sistema AW;

AW sei responde ho "**Numeru Rejistrasaun**" no sei ativa seletividade liu husi diriji DAU ba kanál diferente ha'at hanesan: Kanál Kinur; Laranja; ka Verde. AW mos sei haruka email sistema automatiku ida ba broker/deklarante autorizadu sira indika katak DAU refere "**Rejistu**".

Tarefa Faze Kritiku	Sé mak Involve	Impaktu
1. Submete detallu DAU ba AW	<ul style="list-style-type: none">• Broker/deklarante• Prosesu eletroniku AW	Detekta Dadus DAU iha AW
2. Tenta atu "Avalia" ba DAU husi broker/ deklarante	<ul style="list-style-type: none">• Broker/deklarante• Prosesu eletroniku AW	Fo sai " Nr Rejistrasaun " DAU. Ativasaun Seletividade AW

Komesa husi ne'e ba oin, faze tuir mai iha prosesu jeral karik diferente uituan ba kada kanál.

FAZE 2A: KANÁL VERDE

Diriji DAU ba **kanál Verde** iha prosesu badak ida ne'ebe lalais, hanesan tuir mai (numeru tarefa kontinua husi Faze 1-Nr 3):

- 4a Karik DAU diriji ba **Kanál Verde**, AW sei fo sai "**Numeru Avaliasaun**" no sei haruka mensajen sistema automatiku ida ba broker/deklarante autorizadu sira indika katak DAU ne'e "**Avalia**";
- 5a Avalia DAU Kanál Verde bele hasai sein kontrolu liu tan;

DAU Kanál VERDE, Broker/Deklarante simu estatutu mensajen AW “Avalia” no kopia PDF Nota Avaliasaun (NA).

DAU kanál Verde sei la verifika ka apresenta iha eletroniku ka *hard copy* ba CREP no tanba ne’e kontinua ba **Faze 4** iha prosesu eletroniku: “**Validasaun Esportasaun**”.

Tarefa Faze Kritiku	Sé mak Involve	Impaktu
1. Seletividade sistema AW hamosu – kanál Verde avalia	• Prosesu eletroniku AW	<ul style="list-style-type: none">• Fo sai “Nr Avaliasaun”;• Haruka PDF Baía ba broker/deklarante;• Estatutu mensajen AW ba broker/deklarante;• Laiha revista liu tan durante Liberasaun;• Bele kontinua selu taxa/impostu
2. Ativasaun Seletividade AW – hili kontrolu kanál Kinur ka kanál Laranja	• Prosesu eletroniku AW	<ul style="list-style-type: none">• Selesaun dokumentariu ka kontrolu Scan X-Ray

DAU KANÁL VERDE, HARÉ IHA FAZE 4 – VALIDASAUN LIBERASAUN ESPORTASAUN

FAZE 2B: KANÁL KINUR – EZAMINASAUN DOKUMENTARIU IHA CREP

Seletividade AW – iha kazu ida ne’e, diriji DAU ba Kanál Kinur – sei ativa “Alokasaun Ezaminador Automatiku” iha AW no prosesu sei kontinua iha CREP, ho tarefa sira tuir mai ne’e (numeru tarefa kontinua husi Faze 1-Nr 3):

- 4b Iha CREP, funzionariu designadu revista dokumentariu (**Kinur**) eletronikamente sei simu notifikasaun eletroniku atu revista ba DAU. Simultaneamente, Broker/deklarante mos sei simu mensajen katak DAU aloka ona ba ezaminador partikular dokumentariu. Ida ne’e responsabilidade husi broker/deklarante atu verifika karik DAU prosesa ona ka seidauk.
- 5b Funzionariu revista dokumentariu sei:
- Identifika razaun tanba sa mak DAU hetan selesaun (prefil ka random);
 - Identifika no hala’o asaun kontrolu espesifiku sira ne’ebe deskreve ona iha profil AW seksaun “dokumentasaun”;
 - Konfirma katak tarifa klasifikasiun, kuantidade, todan (karik aplikavel), unidade suplementariu, tipu sasan no valór ne’ebe deklara iha DAU konsisten ho dokumentu apoiu sira (e.z. Fatura, lista embalajen, no/ka seluk tan);
 - Halo revista ba DAU no dokumentu apoiu, tarifa klasifikasiun no valór, kuantidade iha fatura, no unidade suplementariu (karik aplikavel);
 - Asegura katak autorizadaun ka sertifikadu husi rekezitu Ajensia Governu nian Seluk – karik aplikavel – sei apresenta; no

- f) Hakerek Inspection Act iha AW, no submete detallu husi ezaminasaun. Iha opsaun rua:

Opsaun 1. **Karik DAU “conform”**, (laiha diferensia ne’ebet hetan iha DAU), ezaminador sei kompleta funsaun sira tuir mai ne’ebet iha AW:

- i.) Hili kaixa “**conform**” iha Inspection Act iha AW;
- ii.) Hanehan maizumenus padraun 4 ne’ebet halo ona;
- iii.) Diriji fali DAU ba **Verde**;
- iv.) **Avalia** DAU. AW fo sai **Nota Avalisaun** (NA) no haruka kopia PDF AN ba broker/deklarante atu bele selu taxa no impostu. Simultaneamente, broker/deklarante simu estatutu mensajen AW “**Avalia**”.

Opsaun 2. **Karik DAU non-conform** (hetan diferensia entre dokumentu & DAU) ezaminador sei halo hanesan tuir mai:

- i.) Hili kaixa “**non-conform**” Inspection Act iha AW;
- ii.) Hili razaun tanba sa non-conform husi Erru numeriku/violasaun kódigu & deskrisaun no kódigu Asaun iha Inspection Act;
- iii.) Kolia ho broker/deklarante atu halo alterasaun ba erru sira;
- iv.) Halo alterasaun ruma nesesariu, valida alterasaun no diriji DAU ba **kanál Verde**;
- v.) **Avalia** DAU (laiha penalidade identifikadu atu fornese). Ida ne’ebet permiti broker/deklarante atu imprime AN;
- vi.) Karik DAU **Non-Conform** involve aplikasaun **ba_penalidade**, hafoin sei haruka DAU ba DNJKA (*) atu kalkula penalidade ruma, bazea ba “erru/violasaun kódigu” ne’ebet mak ezaminador hili ona. Penalidade sei aumenta ba AN;
- vii.) Wainhira “**non-conform**” no “**penalidade**” rezolve ona, ezaminador diriji fali DAU ba fali **kanál Verde** no **avalia**.

Tarefa Faze Kritiku	Sé mak involve	Impaktu
1. Halo ezaminasaun dokumentariu ba DAU kanál Kinur	<ul style="list-style-type: none"> • Prosesu eletroniku AW • Funzionariu CREP alokadu ba kanál Kinur 	<ul style="list-style-type: none"> • Alokausaun automatiku ezaminador CREP • Estatutu mensajen AW ba broker/deklarante
2. Inspection Act – conform, <ul style="list-style-type: none"> - Diriji fali ba kanál Verde no Avaliasaun 	<ul style="list-style-type: none"> • Prosesu eletroniku AW • Funzionariu CREP alokadu ba kanál Kinur 	<ul style="list-style-type: none"> • Identifikadu konformidade (“conform”) • Fo sai Nr. Avaliasaun • Estatutu mensajen AW ba broker/deklarante: “Avalia” ona
2. Inspection Act – non-conform, <ul style="list-style-type: none"> - Retifika DAU karik nesesariu - Aplika penalidade - Diriji fali ba kanál Verde no Avalia 	<ul style="list-style-type: none"> • AW prosesu eletroniku • CREP aloka funzionariu ba kanál Kinur • Broker/deklarante 	<ul style="list-style-type: none"> • Identifikadu Non-konformidade (“non-conform”) • Fo sai Nr. Avaliasaun • Estatutu mensajen AW ba broker/deklarante: “Avalia”

KARIK DIRIJI FALI BA VERDE, HARÉ IHA FAZE 4 – VALIDASAUN LIBERASAUN ESPORTASAUN

FAZE 2c: KANÁL LARANJA – SCAN X-RAY

Fuzionariu ba kanál Laranja Scan X-Ray mak responsavel atu hala'o scan X-Ray ba konsignasaun iha Portu Baía Tibar, ka iha area sira kontrolu Alfândega nian. Ida ne'e sei inklui maizumenus tarefa sira hanesan tuir mai (numeru tarefa kontinua husi Faze 1 – Nr 3):

4c AW aloka DAU automatikamente ba kanál Laranja atu halo Revista Seguransa random, atu konfirma konsignasaun kondiz ho fatura/ lista embalajen. Molok atu halo scan X-Ray, operador makina X-Ray halo revista ba detallu konsignasaun ne'ebe iha DAU atu konfirma tipu no kuantidade sasan sira iha kontentor laran. Hafoin ida ne'e, ezaminador sei halo revista hanesan tuir mai ne'e:

- Konfirma katak konsignasaun rai iha area adekuadu ne'ebe permiti sira atu halo scan X-Ray bazea ba regra ka regulamentu seguransa no saúde nian. Iha eventu ida ne'e laos kazu, entaun funzionariu ezaminasaun sei informa broker/deklarante hanesan ne'e;
- Iha eventu ida ne'ebe konsignasaun iha kontentor, ne'ebe mak konfirma katak:
 - Numeru kontentor kondiz/hanesan ho DAU asosiadu;
 - Segel ne'ebe asegura odamatan kotuk metin no livre husi sinál estragu ka manipulasaun; no

- d) Hala'o scan X-Ray atu asegura katak sasan no ninia kuantidade sira kondiz ho saida mak deklara ona iha DAU no dokumentu apoiu sira ne'ebe laiha iregularidade ho saida mak scan iha kontentor.
- 5c Hafoin kompleta scan X-Ray, Operador sei submete rezultadu ezaminasaun iha Inspection Act. Depende ba rezultadu ezaminasaun, iha opsaun rua:
- Opsaun 1:** Karik Scan X-Ray “conform” (laiha diferensia iha DAU no/ka sasan sira), funzionariu examinador sei:
- Hili kaixa “**conform**” Inspection Act iha AW;
 - Diriji fali DAU ba **kanál Verde**;
 - Avalia** DAU. AW fo sai **Nota Avaliasaun** (NA) no haruka kopja PDF ba broker/deklarante hodi selu taxa no impostu. Simultaneamente, broker/deklarante simu estatutu mensajen AW “**Avalia**”.

- Opsaun 2:** Karik scan X-Ray “non-conform” (e.z. iha diferensia entre sasan & DAU no scan X-Ray), examinador X-Ray sei:
- Hili kaixa “**non-conform**” Inspection Act iha AW;
 - Hili razaun tanba sa non-conform husi Erru numeriku/violasaun kódigu & deskrisaun no kódigu Asaun iha Inspection Act;
 - Atualiza kaixa livre testu ho razaun espesifiku ba ezaminasaun fíziku no area espesifiku iha kontentor laran ne'ebe mak presija ezaminasaun fíziku;
 - Diriji fali DAU ba **Kanál Mean**;
 - Haruka DAU ba Ekipa Esportasaun atu halo ezaminasaun fíziku ba kontentor.

Tarefa Faze Kritiku	Sé mak involve	Impaktu
1. Halo scan X-Ray ba DAU sira kanál LARANJA	<ul style="list-style-type: none"> • Prosesu eletroniku AW • Funzionariu ezaminasaun iha Portu Baía Tibar halo scan X-Ray ba kanál Laranja 	<ul style="list-style-type: none"> • Aloksaun automatiku Ekipa Scan X-Ray • Estatutu mensajen AW ba broker/deklarante
2. Inspection Act – <u>Conform</u> <ul style="list-style-type: none"> – Diriji fali ba kanál Verde no Avalia 	<ul style="list-style-type: none"> • Prosesu eletroniku AW • Funzionariu Portu Baía Tibar scan X-Ray 	<ul style="list-style-type: none"> • Identifikadu konformidade (“Conform”)
3. Inspection Act –Non-conform <ul style="list-style-type: none"> – Diriji fali ba Kanál Mean 	<ul style="list-style-type: none"> • Prosesu eletroniku AW • Funzionariu Portu Baía Tibar scan X-Ray • Broker/deklarante 	<ul style="list-style-type: none"> • Identifikadu Non-konformidade (“non-conform”)

KARIK DIRIJI FALI BA VERDE, HARÉ IHA FAZE 4 – VALIDASAUN LIBERASAUN ESPORTASAUN

FAZE 2D: KANÁL MEAN - EZAMINASAUN FÍZIKU

Fuzionariu Ekipa Esportasaun mak responsavel ba ezaminasaun fiziku ba DAU sira ne’be mak diriji fali ba **kanál Mean** ba ezaminasaun fiziku hanesan rezultadu husi scan X-Ray ba sasan sira ne’be mak non-conform no sira responsavel atu halo ezaminasaun fiziku ba kosignasaun iha Portu Baía Tibar. Ida ne’e sei inklui maizumenus tarefa sira tuir ma ne’e (numeru numeru kontinua husi Faze 2b – tarefa 5b):

- 4d Fuzionariu Ekipa Esportasaun sei simu DAU husi Administrasaun Operasaun Portu nian ba ezaminasaun fiziku. Broker/deklarante simu email husi AW kona ba ezaminasaun refere;

Molok hala’o ezaminasaun, fuzionariu Esportasaun sei hare nota ruma iha sistema AW ka instrusaun ka razaun ruma klean tan ne’be mak funzionariu scan X-Ray halo ona iha ezaminasaun fiziku ba area espesifiku sira iha kontentor laran ne’be mak presija ezaminasaun fiziku. Hafoin ida ne’e, ezaminador sira hala’o revista hanesan tuir mai ne’e:

- Broker/deklarante prepara kontentor ne’be mak disponivel atu halo ezaminasaun no aranja tempu inspesaun ho ezaminador;
- Konfirma katak konsignasaun rai iha area ne’be adekuadu atu halo ezaminasaun tuir regra ka regulamentu saude no seguransa . Iha eventu ida ne’e mak laos kazu, mak funzionariu ezaminasaun sei informa broker/deklarante;
- Konfirma katak:
 - Numeru kontentor kondiz ho DAU ne’be asosiadu;

- Segel ne'ebe kesi odomatan kontentor seguru no metin no livre husi sinal estragu ka manipulaun; no
 - Hala'o ezaminasaun atu asegura katak sasan sira ne'ebe examina ona kondiz ho sasan ne'ebe deklara ona iha DAU no dokumentu apoiu sira seluk no revista ba area espesifiku ne'ebe mak presija atu identifika husi ekipa Scan X-Ray. To'o efeitu ida ne'e ezaminador sei halo notasaun appropriadu ida iha Tablet ne'ebe ligadu ho sistema AW;
- 5d Hafoin completa revista fiziku, ezaminador sei submete rezultadu ezaminasaun iha Inspection Act. Depende ba rezultadu husi ezaminasaun, iha olsaun rua:

Opsaun 1: Karik ezaminasaun “Conform” (laiha diferensia iha DAU no/ka sasan sira), funzionariu ezaminasaun:

- Aplika segel substituisaun atu asegura odamatan kotuk kontentor
- Hili kaixa “**conform**” iha Inspection Act AW;
- Hanehan padraun revista ne'ebe halo ona no atualiza kaixa testu livre ho segel tuan, numeru segel foun ka informasaun relevante ruma;
- DAU diriji fali ba **Kanál Verde** no **Avalia**.

Nota Importante:

1. Karik segel hasai ona husi odomatan kontentor ba ezaminasaun fiziku, ekipa Esportasaun sei tau segel foun, rejistru ninia detallu sira no aumenta numeru segel iha sistema AW iha **Faze 4: Validasaun no Liberasaun Esportasaun**;

Opsaun 2: Karik ezaminasaun “non-conform” (e.z. iha diferensia entre sasan sira & DAU), funzionariu Ekipa Esportasaun sei:

- Hili kaixa “**non-conform**” Inspection Act iha AW,
- Hakerek razaun non-conform husi erru numeriku/violasaun kódigu no kódigu Asaun iha Inspection Act;
- Karik DAU non conform involve aplikasaun penalidade, ezaminador sei hakerek nota ida iha Inspection Act AW ba penalidade sira ne'ebe mak sei aplika husi DNJKA;
- Prepara relatoriu DAU atu transfere ba CREP hodi halo koresaun ba erru sira hotu no aplika penalidade.
- Wainhira “non-conform” no “penalidade” rezolve ona, funzionariu CREP diriji DAU ba kanál Verde no avalia DAU. Ida ne'e permiti broker/deklarante atu imprime AN.

Tarefa Faze Kritiku	Sé mak involve	Impaktu
2. Halo ezaminasaun fiziku ba DAU sira kanál MEAN	<ul style="list-style-type: none"> • Prosesu eletroniku AW • Ezaminasaun fiziku husi Ekipa Esportasaun iha Portu Baía Tibar ba DAU kanál Mean 	Estatutu mensajen AW ba broker/deklarante
3. Inspection Act – <u>Conform</u> <ul style="list-style-type: none"> - Diriji fali DAU ba kanál Verde no Avalia 	<ul style="list-style-type: none"> • Prosesu eletroniku AW • Funzionariu Ekipa Esportasaun Portu Baía Tibar 	<ul style="list-style-type: none"> • Identifikadu konformidade (“Conform”)
4. Inspection Act – non-conform <ul style="list-style-type: none"> - Entrega fila fali DAU ba CREP hodi finaliza - Ratifikasi DAU karik nesesarui - Aplika penalidade - Diriji fali ba kanál Verde no Avalia 	<ul style="list-style-type: none"> • Prosesu eletroniku AW • Funzionariu CREP • Broker/deklarante 	<ul style="list-style-type: none"> • Identifikadu Non-konformidade (“Not Conform”) • Fo sai Nr. Avaliasaun • Estatutu mensajen ba broker/deklarante “Avalia”

KARIK DIRIJI FALI BA VERDE, HARÉ IHA FAZE 4 – VALIDASAUN ESPORTASAUN

FAZE 3: PAGAMENTU TAXA NO IMPOSTU

- Laiha reseitas (Taxa ka Impostu) ne'ebe kolleta husi Esportasaun sasan, tanba ne'e laiha pagamentu iha banku ka persija vizita cashier Alfândega atu valida pagamentu iha sistema AW.
- Adisionalmente, laiha ona kustu ASYCUDAWorld atu selu wainhira submete DAU.
- Tanba laiha ona Taxa ka Impostu no laiha kustu atu selu entaun laiha rekerimentu atu ba banku ka cashier Alfândega no etapa hirak ne'e la utiliza ona no sei fo sai Avizu Avaliasaun janela “Liberasaun Esportasaun” iha AW ba funzionariu operasaun Portu Baía Tibar atu kompleta.

HARÉ IHA FAZE 4 – VALIDASAUN LIBERASAUN ESPORTASAUN

FAZE 4: VALIDASAUN LIBERASAUN ESPORTASAUN

Faze final ida ne'e iha prosesu Liberasaun Esportasaun Alfândega no hala'o iha edifisiu Portu Baía Tibar.

Wainhira fo sai Avizu Avaliasaun iha sistema AW, maski wainhira ativa seletividade ka diriji DAU ba kanál Verde, ida ne'e automatikamente sei hasai janela “Liberasaun Esportasaun” iha sistema AW ba Funzionariu Esportasaun sira atu kompleta wainhira kontentor to'o iha Portu Baía Tibar.

Validasaun ba “**Liberasaun Esportasaun**” completa iha AW, ho nune’e Alfândega autoriza liberasaun sasan sira (kontentorizadu deit) wainhira completa ona formalidade Liberasaun esportasaun hot-hotu ho nune’e kontentor bele tula ona ba ró.

Iha Faze Prosesu ida ne’e, broker/deklarante mak autór prinsipal no responsavel ba:

- Aranja validasaun Liberasaun Esportasaun ho Alfândega;
- Kompleta no finaliza formalidade sira seluk ne’ebé laos Alfândega nian, hanesan pagamentu kustu ba TPSA iha Portu Baía Tibar ba ekipamento tula kontentor ba ró;

Tarefa sira iha Faze Prosesu ida ne’e mak hanesan tuir mai (numeru tarefa kontinua husi Faze 2, Etapa 5):

6. Atu valida Liberasaun Esportasaun husi Alfândega, broker/deklarante apresenta kontentor ba funzionariu Alfândega iha Portu Baía Tibar, ne’ebé verifika iha sistema AW, estatutu mak Kanál Verde no janela AW sei fo sai “Liberasaun Esportasaun”
7. Funzionariu sei completa revista fíziku ba numeru kontentor ho DAU, halo relatorio ba numeru segel ne’ebé junta no asegura katak segel hirak ne’ebé seguru. Karik laiha segel atu junta, ekipa Esportasaun Alfândega sei tau segel no halo rejistru ba segel refere.
8. Funzionariu sei loke DAU Esportasaun iha sistema AW no hili “**Liberasaun Esportasaun**” husi menu no ida ne’e sei loke kaixa informasaun ba Liberasaun esportasaun nian. Kaixa refere sei mosu iha screen/tela no hatudu informasaun Liberasaun Esportasaun nian.
9. Funzionariu esportasaun sei submete numeru segel no numeru kontentor ne’ebé asosiadu iha kaixa komentariu nian atu nune’e bele rejistru numeru segel iha kontentor no rejistru iha sistema AW. Karik kontentor tama iha Portu sein iha segel ruma, ekipa Esportasaun sei aumenta segel wainhira completa ona revista fíziku ba numeru kontentor ho DAU.
10. Funzionariu sei hili “**vistu azul**” iha janela nia okos atu valida no taka DAU Esportasaun iha sistema AW.

Export release information


	Declarant reference	2017 DIL01 1020585 17OUTEX01
	Customs reference	E 1 17/05/2017
	Assessment reference	L 4939 17/05/2017
Office of exit	DIL01	Dili Seaport
Actual office of exit	▼	
Exit reference		
Containers/Seals		
Date	28/05/2021	
Time (HH:mm format)	19:01	

Validasaun “**Liberasaun Esportasaun**” sei haruka mensajen automatiku ida “**Release Order**” ba sistema TPSA atu nune’e sira hetan notifikasi saun katak kontentor kompleta ona formalidade Esportasaun hot-hotu Alfândega nian no bele ona hasai billete “GATE IN” prontu atu tula sasan ba ró. No mos sei fo sai estatutu mensajen AW ba Broker/Importador. Prosesu ida ne’e totalmente eletroníku iha sistema AW.


Tarefa Faze Kritiku	Sé mak involve	Impaktu
1. Husi pedidu broker/ deklarante ba Ekipa Funzionari Esportasaun atu valida Liberasaun Esportasaun	<ul style="list-style-type: none"> • Broker/deklarante • Ekipa Funzionari Esportasaun (Portu Baía Tibar) • Prosesu eletroniku AW 	<ul style="list-style-type: none"> • AW fo sai Liberasaun Esportasaun no finaliza DAU • AW automatikamente fo sai Release Order iha Sistema noa haruka ba TPSA

PROSESU ALFÂNDEGA REMATA


13. PROSESU FLUXUGRAMA



Prosesu Esportasaun Kanál Kinur, Portu Baía Tibar v2 – 8 Novembru 2022



Prosesu Esportasaun Kanál Laranja, Portu Baía Tibar v2 – 8 Novembru 2022



14. KOMISARIU NIA APROVASAUN, DIRETIVU NO DEZAMINASAUN

Bazea ba 9 (1c) husi Dekretu Lei 2/2020 ne'ebe mak permiti Komisariu atu: "*aprova regra no/ka instrusaun administrativu nesesariu sira ba operasaun Autoridade Aduaneiru, inklui aplikasaun lejislasaun Alfândega*", ho nune'e hau:

- a) **Aprova** Padraun Prosedimentu Operasional (PPO) ida ne'e, koñesidu hanesan "Prosedimentu Liberasaun Esportasaun Simplifikadu ba Portu Baía Tibar, 2022";
- b) **Direta** katak PPO ida ne'e sei komunika ba funzionariu AA relevante sira hotu no ba funzionariu AA sira hotu atu implementa, aplika no implementa parte sira hotu husi PPO ida ne'e hanesan deskreve ona; no
- c) **Direta** katak PPO ida ne'e sei hahu vigor iha loron hafoin data asina iha okos.

Asina iha loron.....2.....fulandezemburu.....2022



Komisariu

Autoridade Aduaneiru
Timor-Leste

(karimbu funzionariu Alfândega)

15. REJISTU ALTERASAUN PPO

Data Aprovaun	Numeru Versaun	Naran Dezenvolvedor	Naran Revizor